

KOLASIB SPORTS STADIUM-A
REPUBLIC DAY VAWI 75-NA LAWMNAA KHUALLIAN,
DISTRICT BAWRHSAP PU JOHN LT SANGA, MCS THU SAWI
(26th January, 2024)

.....

Thian duh takte u,

Republic Day vawi 75-na chibai ka buk a che u.

Vawiin hi India ram tan hun pawimawh tak a ni a. Kum 1950 vawiin angah khan kan Ram Danpui (Constitution) chu hman tan niin, he Danpui hmang hian kan ramah mipui rorelna sawrkar ropui tak din a ni a. Tun thlengin he Danpui hi ram inrelbawl dan hriltu ber a la ni ta zel a ni.

Vawiin Republic Day lawmnaah hian parade lawmman bakah, fai intihsiakna lawmman leh chawimawina te kan inhlan dawn a. He'ng lawmman leh chawimawina dawngtu tur zawng zawngte hi ka lawmpui che uin, in hma hun zelah ram tana mi chhenfakawm tak ni zel turin duhsakna ka hlan nghal che u a ni.

Kolasib District chhungah kawng hrang hranga hmasawna a awm theih nan sawrkar department hrang hrang kal tlangin chak takin hma lak a ni a. Chu'ng hma laknate chu kimchang takin kan tar lang vek seng lo ang a. Kum kal ta chhunga department-te hna thawh a tlangpui chauh ka han tar lang ang e:

1. Ram mipui hriselna hi sawrkarin a ngaih pawimawh ber pakhat a nih angin, Kolasib District-in hriselna kawng hrang hrang hma a sawn theih nan Health & Family Welfare Department chuan health programme chi hrang hrang a kalpui reng a. Kum 2023 chhung khan NABARD sum hmangin Bukpui PHC building te; Vairengte CHC isolation ward te; Serkhan, Buhchangphai, Pangbalkawn, Phainuam leh Hortoki Health & Wellness Centre te sak a ni a. Kan District-a nau piang 96.8% chu damdawi ina piang an ni a. Naupang kum 1 hnuai lam 87.7%-in hri danna an la kim a. Vanneihthlak takin nu nau chunga thi kan nei lo va. Malaria vanga thi kan nei lo bawk a. Kan District chhungah thosi hlo (DDT) kah ngaihna hmun pakhat mah kan nei lo bawk a ni.
2. Khum 100 awm theihna tur District Hospital Kolasib building thar chu sak mek a ni a. ICU tur pawh buatsaih mek niin, MLA Fund leh PMJAY Hospital share atangin Laroscopy Machine lei a ni a. Kolasib District-a sawrkar damdawi in lian ber a nih angin District Hospital hi tihchangtlun chhoh zel a ni a. Kum hmasa lama bun thar Dialysis khawl leh Oxygen Generating Plant te pawh tangkai taka hman mek a ni.

3. School of Nursing Thingdawl (SONT), Kolasib chuan nursing zirlai hlawhtling tak tak a chher chhuak zel a. A din tirh aʔangin kum tin Mizoram Nursing Council (MNC) exam-ah dinhmun ʔa tak an hauh ʔhin a ni.
4. District Programme Office, Women & Child Development hnuaiah Thingdawl leh Bilkhawthlir ICDS Project te awmin, Kolasib District pumah Anganwadi Centre 137 a awm a. Naupang, tleirawl, raipuar leh nausen pawmte hnenah chaw ʔa chi hrang hrang sem ʔhinin, beneficiary 12,063 an nei mek a. Nikum khan PMMVY hnuaia fa tir hring leh fa pahnihnaa hmeichhe hring lawmman chu mi 258 hnenah pek a ni a. District Hub for Women Empowerment, One Stop Centre (OSC) leh Swadhar Greh kal tlang te'n hmeichhiate hamʔhatna leh venhimna atan hma lakna kalpui a ni bawk.
5. School Education Department, Kolasib District hnuaiah zirna ʔa zawk a awm theih nan nasa takin hma lak a ni a. State Educational Achievement Survey chu November 2023 khan school 129-ah hlawhtling taka kalpui a ni a. Govt Diakkawn High School zirtirtu Pu Lalthianghlina chuan ram pum huap zirtirtu ʔa chawimawina, National Teachers' Award 2023 chu President of India hnen aʔangin a dawng a. Kan chhuangin kan lawmpui hle a ni. Samagra Shiksha hnuaiah Vairengte Higher Secondary School Science Stream building ʔar chu sak zawh leh hawn tawh a ni a. School 6-ah eng pek (electrification) hna thawh zawh niin, school 17 chei ʔat hna thawh mek a ni a. School 9-ah building thawm ʔat, sikul tihchangtlun leh teachers quarters sak hna te thawh mek a ni bawk a. August 2023 khan Vairengteah Secondary zirlai hmeichhe naupang 30 tan a thlawna awmna tur Residential Girls Hostel hawn a ni bawk.
6. DIET Kolasib chuan zirlai I Semester 50 leh III Semester 50 nei mekin, batch 7-in an zir chhuak tawh a. DIET Auditorium Hall sak zawh tawh niin, DIET Campus chungah Boys Hostel tur changtlung tak sak mek a ni bawk.
7. Kolasib District chung ralmuan nan District Police te'n theih tawp chhuahin hna an thawk a. Kum 2023 chung khan case 231 ziah luh niin, Police te hnuchhuina aʔangin pawisa leh thil bo ₹ nuai 41.75 hu hmuh let a ni a; dan lova kuhva tawlh ruk bag 584 man niin, zu leh damdawi eng emaw zat man a ni bawk a. Sikul hrang hrang leh kohhran programme-ah te ruihhlo ʔat lohzia leh internet kal tlanga pawl khawihna chungchang inzirtirna kalpui a ni bawk.
8. 1st IR Battalion, Mualvum chuan ram leh mipui ralmuan nan theih tawp chhuahin hna an thawk a. Ramriah venhimna ʔa zawk a awm theih nana Vairengtea Company Headquarters sak ʔar chu September 2023 khan hawn niin, an function ʔan tawh a ni.
9. Excise & Narcotics Department, Kolasib District chuan District chung ruihhlo lo lut tur ven leh dap chhuah hna an thawk reng a. Police leh YMA (NGO) te nen joint duty

te nei hovin, kan District ruihhlo laka kan hima kan fihlim theih nan nasa takin hma an la a. Kum 2023 chhung khan sawrkar tan revenue ₹ nuai 32.81 vel an hmu chhuak a. Zu leh damdawi thahnem tak manin, MLP Act hnuaiah case 3,264 leh NDPS Act hnuaiah case 19 an ziaak lut a ni.

10. District Sainik Welfare & Resettlement Office chuan sipai tang lai, sipai bang leh an chhungte hamthatna ngaihtuahpuiin hma a la reng a. Kolasib District chhunga ex-servicemen 17 chuan Security Guard hna hmuin, SBI-a chhawr nawn (re-employ) mi 5 an awm baw a. Kum tin Sainik Department leh CIJW School Vairengte te'n Kolasib District chhunga thalai sipaia lut duh tan CIJW School-ah a thlawnin coaching class neihpui thinin, hemi avanga sipaia lut hi mi 86 an tling tawh a ni.
11. Kolasib District-ah dan leh thupek ngaih pawimawh a nih theih nan District Court tihchangtlun hna thawh mek niin, District Court Complex-a Multipurpose Building sak hna leh Project Venga Grade-I Judicial Quarters sak hna te chu thawh zawh tawh a ni a. Project Vengah Fast Track Court building thar sak hna thawh mek a ni baw. Kum 2023 chhung khan District Court chuan civil case 934-ah case 709 ching felin, criminal case 672-ah case 462 a ching fel baw a ni.
12. District Rural Development Office leh Bilkhawthlir leh Thingdawla Block Development Office-te kal tlangin Kolasib District hma sawnna tur hna tam tak kalpui a ni a. Tun dinhmunah Kolasib District-ah MGNREGA hnuaiah job card 21,066 awmin, kum 2023-24 chhungin ni 65 inhlawhna siam a ni tawh a. MGNREGA hnuaia khawtlang tana rotling siam tura hna ruahman 12,330 awmah 11,721 chu thawh zawh tawh niin, hna 609 chu thawh mek a ni a. PMAY-G kal tlangin in sak tanpuina pek a nih bakah, PMKSY leh MzSRLM hnuaiah hma lakna kalpui a ni baw.
13. District Local Administration Office hnuaiah XV Finance Commission Grant atanga sum hmuh hmangin village council-te'n khawtlang mamawh hrang hrang – step, PCC flooring, retaining wall, sanitation lam leh tui dah khawlina lam siam hnate thawkin, an tangkaipui hle a. RGSA hnuaiah VC House 14 chei that niin, VC House thar 19 sak zawh tawh a ni a, sak lai mek 3 a awm baw a. RGSA atanga Bilkhawthlir S VC Area-a Arecanut Leaf Plate Production Centre sak chu hman theiha hawn tawh niin, Self Help Group leh VC-te'n tangkai takin an hmang mek a ni.
14. SIRD & PR Extension Training Centre (ETC), Kolasib chuan thingtlang mite hmasawnna leh dinhmun chawi kan nan training leh research te hmangin nasa takin tan a la a. Kum 2023-24 chhungin training eng emaw zat buatsaihin, mi 551 hnenah training an pe tawh a ni.

15. District Industries Centre (DIC) chuan sumdawna lama tui mite tan kawng hrang hranga tanpuina ngaihtuahsakin, kum 2023-24 chhungin beneficiary 4 hnenah PMEGP loan chu bank kal tlangin pek chhuah a ni a. Promotion of MSME Scheme hnuai ah Kolasib DIC Complex-ah Flatted Factory Complex sak hna thawh mek a ni baw.
16. Agriculture Department hnuai ah PMKSY atangin hectare 109-a zau land leveling siam niin, mi 8 hnenah water pump set leh mi 4 hnenah solar pump te pek a ni a. Kum 2023-24 chhungin oil palm chingute tanpuina hrang hrang atan ₹ nuai 30.86 hman ral a ni a. RKVY, NFSM leh PM-KISAN hnuai ah kut hna thawktute tanpuina chi hrang hrang kalpui a ni baw. FOCUS District Management Unit hnuai ah hmun 13-ah check dam siam niin, farm link road 7 km laih a ni a. Kut hna thawktute hma lakna hrang hrang atana tanpuina bakah, thlai chin leh ran vulh tanpuina chi hrang hrang sem niin, he'ngah hian a pum puiah beneficiary 1,339 an awm a. Vawk kah raina (artificial insemination) laboratory changtlung tak FOCUS enkawl chu mipuite'n an chhawr hle baw a ni. ATMA Kolasib District chuan kut hna thawktute buh leh thlai leh ran enkawl kawngah tun lai thiamna hmanga hlawk zawk leh awlsam zawka hma an lak theih dan tur zirtirin, training, demonstration, exposure visit leh farm school te a buatsaih thin a ni.
17. Kut hna thawktute zirna hmunpui, KVK Kolasib hnuai ah kum 2023-24 chhungin training 55 leh extension activity 500 buatsaih niin, On Farm Trial leh Frontline Demonstration hrang hrang hlawhtling taka kalpui a ni a. Project chi hrang hrang – Natural Farming, Biotech-Krishi Innovation Science Application Network Project leh Community Nursery te kalpui a ni baw a. CAU-Regional Agri Fair, Imphal, Manipur- a neihah KVK Kolasib chu Zone VII KVK 43 ai awm tura thlan niin, lawmman pakhatna an dawng a. Senior Scientist and Head Dr Michelle C. Lallawmkimi chuan kum 2023 khan award pahnih – Best KVK Scientist Award leh Outstanding Achievement Award te a dawng baw a. Kan chhuangin, kan lawmpui hle a ni.
18. District Horticulture Office chuan MIDH hnuai ah hma lakna kal tlangin kum 2023-24 chhungin chhungkaw 30 hnenah dragon fruit, chhungkaw 40 hnenah cocoa leh chhungkaw 20 hnenah lakhuihthei chin thartirin, vegetable thlai chi tha chi hrang 15 an sem chhuak a. Chhungkaw 10 chu green house siamsakin, tui khawl na tha 10 siam turin hma an la mek a. KAMCO Society (Kolasib) nen tang kawpin dragon fruit sawngbawl na (processing unit) khawl bun tan niin, nikuma enchhinna hlawhtling tak neih a nih hnuah kum 2024-ah chuan dragon fruit juice hralh chhuah tham siam tura hma lak mek a ni a. PMKSY hnuai ah chhungkaw 67 te chu drip leh sprinkler irrigation system siamsak an ni baw.
19. Fisheries Department kal tlangin PMMSY hnuai ah Kolasib District-ah beneficiary 150 hnenah new pond siamna tur leh beneficiary 66 hnenah rearing pond siamna tur pek niin, 50% subsidised rate-in sangha chi nuai 9 sing 8 sem a ni a. 10 ton capacity Ice-

Plant siamna tur buaipui mek niin, backyard ornamental fish rearing unit 1 siam zawh tawh a nih bakah, hatchery unit 2 siam hna thawh mek a ni bawk a. RKVY hnuaiyah mi 13 hnenah new pond siamna tur leh mi 7 hnenah rearing pond siamna tur tanpuina pek a ni bawk.

20. AH&Vety Department hnuaiyah Kolasib District-ah Veterinary Hospital 1, Dispensary 7, Rural Animal Health Centre 3 leh Surveillance Check Post 3 a awm a. Kum 2023 chhung khan ran damlo 77,858 enkawl niin, ran hri venna (vaccine) 20,504 pek a ni. Bawng leh vawk chi tha hmanga kah raina (artificial insemination) kalpui niin, kum 2023 chhung khan bawng 486 leh vawk 1,704 kah rai a ni a. Calf Rearing Farm, Pig Multiplication Farm leh Poultry Farm te enkawlin, bawng, vawk, ar leh artui te mipui hnenah hralh chhuah thin a ni a. Ran vulhtute training leh exposure visit neihpui thin an ni bawk.

21. Sericulture Department chuan Kolasib District-ah Govt Seed Farm 4 neiin, he'ng atang hian kum 2023 chhung khan cocoon 40,325 leh pangang tui khawi tur (disease free laying) 16,510 an thar chhuak a. Kolasib District-ah hian pangang khawitu private farmer 295 neiin, sum, hmanrua leh training kal tlang te'n tanpuina leh kaihhruaina pek thin an ni a. Silk Samagra-2 hnuaiyah Kolasib District-ah beneficiary 105 awmin, sum faia tanpuina bakah, huan cheibawlna tur, pangang khawina in sakna tur leh hmanraw chi hrang hrangte pek an ni.

22. Land Resources, Soil & Water Conservation Department, Kolasib District hnuaiyah RKVY atangin Hmawngkhawthlir Zau, Thingdawlah kut hna thawktute tan ₹ nuai 11 man hu soil & water conservation work chi hrang hrang thawh a ni a. NABARD RIDF hnuaiyah Kawnpui Darnam Zau-ah hma lak mek a ni a. RIDF kal tlang hian Kolasib District chhungah Rubber Processing Unit 15 sak a ni bawk.

23. Irrigation & Water Resources Department chuan PMKSY leh NABARD RIDF hnuaiyah hmun hrang hrangah lo neitute'n an huan, lo, ram tha taka an enkawl theih nan hectare 477-a zau chawm thei turin Surface Irrigation Project pakua (9), hectare 61-a zau chawm thei turin Groundwater Irrigation Project pahnih (2) leh Command Area Development & Water Management Project paruk (6) an kalpui mek a ni.

24. Kolasib Forest Division chuan Green India Mission hnuaiyah ramngaw siam belh hna kalpuiin, Kawnpui & Bukpui leh Kolasib & Bairabi-ah te hectare 4,302.4-a zauvah hma lak a ni a. Fire Prevention Week leh Green Mizoram Day te hlawhtling taka hman niin, Green Mizoram Day 2023-ah khan thing tiak 2,857 phun a ni a. Kum 2023-24 chhungin revenue ₹ nuai 109 chuang hmuh a ni a. Khamropuia Nagar Van siamna turin ₹ vaibelchhe 2 man project proposal siam a ni bawk.

25. District Civil Supply Office chuan PMGKAY scheme hnuaiiah AAY & PHH chhungkuate hnenah thla tin a thlawnin buhfai kg 5 semin, man neiin kg 3 an pe tel bawk a. PM Ujjwala Yojana hnuaiia a thlawna gas connection pek an kalpui mek bawk a. Aadhaar Card leh Ration Card thlun zawm pawh 100% an zo tawh a ni.
26. Legal Metrology Office, Kolasib chuan consumer-te dikna leh chanvo humhalh a nih theih nan nasa takin hna an thawk a. Kum 2023-24 chhungin petrol pum 52 leh underground 9 endikin, tank lorry 352 chu unload hmain an endik a. Weighbridge, dawrkai, retailer, LPG phur truck, iron rod zuar, cement zuar, bazar sa zuar leh tui meter te an endik bawk a. Gas a black-a zuar 10 an man bawk.
27. Kolasib Power Division chuan kum 2023-24-ah electric bill atangin ₹ vaibelchhe 20.14 a hmu a. Saubhagya (Additional) Scheme hnuaiiah Sihdarh Zau (Meidum) leh Muallungthu Zau (Kolasib)-a eng pekna tur hna chu November 2023 khan thawh zawh a ni a. NABARD RIDF hnuaiia Chemphai Zau (Bilkhawthlir) leh Zotui Zau (Kolasib)-a eng pek hna chu December 2023 khan thawh zawh a ni bawk.
28. PHED Kolasib WATSAN Division kal tlangin Jal Jeevan Mission hnuaiiah Kolasib District chhunga khaw hrang hrang tui lakna (water supply scheme) hna 36 thawh niin, 22 thawh zawh tawh a ni a. He'ng khuaa chhungkaw 9,038 zinga chhungkaw 9,023 chu tui connection pek tawh an ni a. Amrut 2.0 hnuaiiah water supply scheme 4 thawh mek a ni a. Swachh Bharat Mission (Gramin) hnuaiiah mimal leh vantlang inthiarna in eng emaw zat siam niin, Thingdawlah Plastic Waste Management Centre sak a nih bakah, Plastic Segregation Bin 74 sem a ni bawk a. July ni 20, 2023 khan Kolasib District chu ODF Plus District-ah puan a ni tawh bawk.
29. PWD National Highway Division-III chuan kum 2023-24 chhungin formation cutting 2.77 km, flexible pavement 12.60 km leh concrete pavement 2.233 km thawkin, culvert 22 leh protection wall metre 340-a thui an siam a, lei (bridge) 3 an dawh bawk.
30. PWD Kolasib Division hnuaiiah kum 2023-2024 chhungin NABARD atangin Link Road kawng pahnih siam hna thawh zawh niin, Meidum to Hortoki Road Phase-II leh Vairengte to Sabual Mual Link Road siam hna thawh mek a ni a. Maintenance Action Plan hnuaiiah Rengtekawn to Zero Point inkarah retaining wall pahnih siam zawh a ni a. SASCI hnuaiia hna thawh lai 5-ah 1 thawh zawh fel niin, 4 thawh mek a ni a. Interstate Border Mizoram – Assam hnuaiiah Hlimen to Serlui Tuikhuah leh New Builum to Chemtlang Zau kawng siam hna te thawh zawh a ni bawk.
31. District Sports & Youth Office hnuaiia enkawl, Regional Sports Training Centre, Kolasib leh Boys Hockey Academy, Kawnpui te chu Mizo thlalai infiam mite'n tangkai takin an hmang mek zel a. Kum 2010 atanga bul tan niin, player tam tak National Level-

ah a vawrh chhuak tawh a. Kan District atanga infiam mi chhuanawm tak tak chhuak zingah NI. Lalremsiami, Kolasib College Veng leh NI. Marina Lalramchuani, Kawnpui te chu Hockey senior leh junior-a India ai awh pha leh hlawhtlinna eng emaw zat hlawh chhuahpuitu an ni a. Kan chhuangin, hmasawn zel turin duhsakna kan hlan bawh a ni.

32. Deputy Commissioner of State Tax, Kolasib Zone chuan kum 2023 chhungin State GST-ah ₹ nuai 1,619.60, State VAT/POL atangin ₹ nuai 366.64 leh Profession Tax atangin ₹ nuai 80.62 a hmu a. Chhiah atanga an sum hmuh hi kum 2022 nen khaikhinin ₹ nuai 1,224.70 chuangin a pung a ni.

33. Kolasib District chhungah cooperative society 96 an awm mek a. Cooperation Department chuan cooperative society-te'n kawng hrang hranga hma an sawn theihna tur ngaihtuahpuiin, tanpuina sum te pawh a pe thin a. TRIFED kal tlanga PMVDY hnuai hma la tura thlan Kolasib District-a cooperative society 15-te hnenah hmanrua, training leh tanpuina sum te pek a ni.

34. District Research Officer, Economics & Statistics Department, Kolasib hnuai registration unit 45 an awm a. Kum 2023 chhungin birth certificate 664, death certificate 54 leh Non-Availability Certificate (NAC) 191 pek chhuah a ni a. Ruah tui tla zat leh khaw awm dan te, ni tin khawsakna atana bungraw mamawh man te chhinchhiahin, farm harvest leh industrial index product data te an la khawm thin bawh.

35. District Transport Office, Kolasib chuan kum 2023 chhungin Driving Licence 524 pe chhuakin, lirthei thar 1,742 a chhinchhiah a. Revenue-ah ₹ nuai 652.36 chuang hmuh a ni.

36. Information & Public Relations (I&PR) Department chuan sawrkar programme hrang hrang cover-in, sawrkar thu pawimawh puanzar hna an thawk reng a. Kum 2023 chhungin DIPRO Kolasib office chuan VIP programme tum 192 cover-in, press release 305 a tichhuak a. Kolasib District chhunga department hrang hrangte hma lakna leh hlawhtlinna mipuite'n an hriat theih nan department-te nen video siamin, Cable Network leh Youtube kal tlang te'n an chhawp chhuak thin bawh.

37. Deputy Commissioner office chuan District hmasawna atana department hrang hrang hna thawhte khai khawmin, mipui mamawh hrang hrang ngaihtuah leh pek chhuah hna a thawk thin a. Hmasawna hna kalpui nana ram lak chungchang te, zin mite leh ram dang atanga lo kal tan ILP pek chhuah te, dan anga silai leh a mu leh puak thei thil kawh leh hman phalna pek chhuah te, khua leh tuite tana certificate pawimawh pek chhuah te buaipuiin, chhiat rupna leh rikrum thil a thlen changin a tul angin hma a la vat thin a. Department, pawl, kohhran leh khawtlang hruaitute nen District hmasawn nan kawng hrang hrangin thawh ho a ni bawh. Mipui tana thawk kan nih angin, Kolasib District

mipui, a te ber aṭanga a lian ber thlengin DC pisa hi mahni INPUI, ngam taka in lo len luhna tur leh in mamawh thil hrang hranga in rawn belh tur a ni tih hre turin ka chah nawn leh bawk che u a ni.

A tawp berah chuan State sawrkar leh Central sawrkar hnuaia thawktu Kolasib District-a awm zawng zawngte chungah in inpekna avangin lawm thu ka sawi a. Tlawmngai pawl hrang hrang te, village council leh kohhran hruaitute, zirlaite leh media lama ka thawpuite chungah min ṭawiawmna leh thawhpuinaah lawm thu ka sawi bawk a ni.

Vawiin hun hlawhtling taka hman a nih theih nana an ruahmanna leh thawh rimnaah Republic Day Celebration Committee te, DC Officer leh staff-te leh mawhphurhna hrang hrang neitute chungah lawm thu ka sawi a. Vawiina parade contingent-te, kan programme min cover-saktu kan Local Cable TV-te leh he hun tihlawhtling tura lo kalte in zavaia chungah lawm thu ka sawi bawk a ni.

Vawiin ni ropui takah hian in zavaiin Republic Day chibai ka buk nawn leh che u a. Mipui rorelna leh sakhaw zalenna rama kan awm te, Dan hnuaia khua leh tui zawng zawng intluk tlang kan nihna te hi a ropuiin, a hlu hle a. Chumi avang chuan ram inpumkhatna vawng nung a, tichak zel turin vawiin hian thawhpuiah ka sawm thar leh che u a. Kolasib District hi Mizoram chhungah kawng eng kima District entawn tlaka siam turin ṭan i la tlang zel ang u.

KA LAWM E.

JAI HIND!